

آبونه شرائطی

ممالك عثمانیه ده سنه لکی (۶۵)، الق
آیلغ (۳۵) غروشدور .

ممالك اجنبیه ده سنه لکی (۱۷)، الق
آیلغ (۹) فرانقادر .

اداره خانه

باب عالی جاده سنده دائره مخصوصه

اخطارات

آبونه بدلی پشندور .

§

• سلكه موافق آثار مع الممنونیه قبول
اولنور . درج ابدلین یازیلر اعاده
اولونماز .

الممنونیه

۱۳۳۰

دینی، فلسفی، علمی، ادبی، سیاسی هفته لق مجموعه اسلامیه در.

اخطارات

رساله مزدن آلمدیغی کوسترلك شرطيله
بتون یازیلر هر هانکی بر خزن طرفنان
اقتباس اولونه بیایر .

§

مکتوبلرک، امضالرک واضح و اوقوناقلی
اولمسی و آبونه صره نوموس عتدی
بولونمسی لازمدور .

§

ممالك اجنبیه ایچون آبونه اولانلرک
آدرس لریشک فرانسزجه ده یازلمسی دجا
اولنور .

§

پاره کوندرلدیکی، ان نه یه د ثراولدیغنک
راضعا ییلدیلمسی دجا اولنور .

والله یهدی من یشاء الی صراط مستقیم

صاحب و مدیر مسئول نع . اشرف ادیب

اتبعون اهدکم سبیل الرشاد

عرب مسلمانلارینی انتباهه دعوت

«البلاغ» جریده سی «السیاسة فی اسبوع» عنوانیه صلحدن صوکر اوروپانک عمومیت اعتباریه شرقده کی سیاستنک نقطه توجهنی ایضاح ضمننده یازدینی بره مقاله ده عثمانلی مسلمان عالمنک بالقان هرج ومرجنی متعاقب تسویلات اجنبیه دن قورتوله رقی و صلاحه دوغری یوروپا ایچون فرصت بولمق خصوصنده کوجاک چکمکه اولدیغنی سویله یور . مسلمانلرک عد و بی امانی اولان روسیه دولتک هیچ یوقدن ایجاد ایتدیکی ارمنی مسئله سی حقنده اوروپانک ، بالخاصه روسیه نک عثمانلرله ، مسلمانلرله قارشى تعقیب ایتدیکی سیاست ، ارمنلرله قارشى حسن ایدیلن بررحم و شفقت نتیجه سی اوله یوب دوغروندن دوغریوه عالم اسلامه قارشى بسله نن عداوتک ، سوء نیتک بر نتیجه سی اولدیغنی یازیور . صوکر اساساً عرب عرقه منسوب اولمیان بعض سوریه لی ، لبنانی خرسیتیانلر ایله نصلسه اخوت اسلامیه لرینی اونودان بعض مسلمان عربلر واسطه سیله فرانسه حکومتک چه ویردیکی ، چه ویرمک ایسته دیکی تسویلاتی ذکر ایدیور . عرب مسلمانلارینی بو خصوصده انتباهه دعوت ایدیور . صوکراده دیورکه :

« روسیه ایله فرانسه نک تعقیب ایتکده اولدقلری سیاست عثمانلی مسلمانلق عالمی ایچون پکده اینی دکدر . ارمنی مسئله سی حل ایدیلش اولماقلا برابر ، عرب مسئله سی آرتق حل ایدیلش دیمکدر .

باب عالی ایله عربلر آراسنده منعقد اتفاق عربلرک اکثریت عظیمه سی طرفندن آلتیشلرله قارشولاندی . آرتق نتیجه سنه انتظار اولنیور . فقط بو خصوصده فرانسه نک ایشه قارشمی هیچ بروقت خیری نتیجه لرویرمز . طبیعتلرله ، جبلتلرله عثمانلی اولان بالعموم سوریه لیلرک اصلاحات طلبی امرنده یابانچیلری قاریشدرمق سزین یاکنز کندی حکومتلرله آکلاشمه لرلی لازمدر ... باب عالی ده عربلرله قارشى وعد ایتدیکی اصلاحاتی اجرا ایتک خصوصنده قطعاً تردد کرستر . مهملیدر . تورک ، عرب بز بالعموم مسلمانلرده وطنمک اجنبیلردن محافظه سی اوغورنده ال اله ویرم ، اتفاق ایدم ؛ اجنبیلردن صاقینالم ؛ چونکه بونلرک ضررلری همزه عائد اوله جقدر ؛ چونکه بونلر همزه دشمندر ، آنلرک تسو . یالاترینه آلدانیمه لم ؛ بوکون فرانسه نک تونس ، مراکش ، جزائره کی اجراءات ظالمانه سی اونویمه لم ... ارمنیلرک روسلرله آت اولدقلری کی ، بزده فرانسلرله آت شر اولیمه لم ... »

دینک ساخته مدافعلری

قونیه ده چیقان «بالاق» غزته سی «هپ عینی نقرات» عنوانیه یازدینی بر باش مقاله سنده دین مینمیزک اوتهدنبری ارباب احتراض و سیاست طرفندن الت اتخاذ ایدیلکده اولدیغنی بیان ایدیور . بو صره لرده ینه اوتده بروده «دین کیدیور ! ...» ترانه لرینک ایشید . یلکده اولدیغنی سویله یور ، بونک نقدر عظیم افتراقلرله ، تفاقرله سببیت ویرمش اولدیغنی خاطر لاتدقندن صوکر ایدیورکه :

«بو ترانه هر انتخاب زمانده تکرر ایتکده ، تأمین منافع و تسکین احتراض قیلندقندن صوکر ا اونودیلقدن ایدی . بونک اک واضح دلیل ده ایتالیا و بالقان محاربات مشمره . زنده پک رعنا بر صورتله تجلی ایدر . او محاربات

و فلاکت زمانلرنده بو قادر ملک الیزدن کیتمش ، یوز بیکارجه اهل اسلام انواع فجایعه اوغرادیلش ، قتل عام ایدیلش ، اسلام قیزلرینک عصمتلری چاک چاک اولنش ، جامعلر ، مسجدرلر ، کلیسارلر ، میخانلرله ، کرخانلرله تحویل و قبهرلرینه صلیبلر ، مناره لرلی ییقیلهرق یرلرینه نافوسلر قونولش ایکن «دین کیدیور !» فریادینی ورد زبان ایدنلردن هیچ بری اورته ده کوروغمه مش ، میایونلرجه دین قارده شنک فعلاً دکل ، قولاً بیله امدادینه شتاب ایتمه مشدی . حالبوکه اسلام دینی ، اسلام ناموسی ، اسلام عصمتی ، اسلام شرفی او وقت کیدیوردی ... ای صفوت قلب صاحبی اهالی ! آرتیق عقلکیزی باشکزه طوبالایکیز ، دین کیدیور ، دیه سزی آلداتهرق تنفع ایتک ، یک دیکریکزه دوشورمک ایسته یلرک اغنالاتنه قایلیمیکز ، دین ، وطن خانلری طرفندن نشر اولنان «قوم جدید» و امثالی کتابلرله چه ویریک ایسته نیلن فیریلدلرله اصلاً قولاق آصماییکیز ... »

غایه ملی ، وحدت ملیه

«طرسوس» غزته سنک بر مقاله سنده تربیه اجتماعی و اخلاقیه نک اکسیکلکی موضوع بحث ایدیلیور . اتحادک فائده لی ، تفرقه نک ضررلی اولدینی سویله ندیکی حالده بونک صورت اجرایی بزجه مجهول قالدیغنی ، بو حالک بوتون افعال و حرکاتمزه مشهود اولدیغنی سویله یور . بزده اکثریت ، بلکده همان عمومیت اعتباریه بر غایه ملیه اویانه مدیغنی ، بر حرکت ملیه باشلايه مدیغنی آکلادیور و بونی بر چوق احوال ایله ایضاح ایدیور . مثلاً اجتماعلرنده کی غایه سزلکی آکلادیرکن دیورکه :

«قهوه خانلرده ، قلوبلرده اوتده بروده طوبالانیورز . فقط بو طوبالانیلرک هیچ بری بر مقصد ملی اجتماعی دوشونه رک دکل . همان بیلیمه رک ؛ غیرمنتظم بر جریان تابع اولهرق ؛ طوبالاندیغمز یرده ده دیدی ، قودیلر ، اعتراضلر ، مالایینیلر ایله وقت کچیره رک داغیلوب کیدیورز . مادی بر فائده کورولینجه ، ملی برلذت دویولما یجه ایکنجی بر اجتماعه کیتمه کیمسه نک آرزوسی اوله یور ... مسلمانلرک امتزاج سزلقلرینی ، اتحاد سزلقلرینی ایضاح ایدرکن ده دیورکه :

«حکومتلرک ، ملتلرک بری قانولیک ، بری اورتودوقس ، بر دیکری پروتستان اولدینی حالده یک دیکریله اتفاق ایدیلورلرله بز همزمسامان ، همزم عینی دینه سالک و بریغمبرک امتی اولدیغمز حالده نه دن برلشه مه یورز . نه لرلی پایلاشه مه یورز . نه دن بو درویشدر ، بوخواجادر ، بو یرلیدر ، بو مهاجردر ، بو زکیکندر ، بو فقیردر ، بو صوفیدر ، بو آفرانده در ، بو آلاتورقه در ، بو شالوارلیدر ، بو پانتالونلیدر ... دیورز . عجباً همزمک مسلمان اولانلغمز ، همزمک غایه خصوصنده ملتزمک ، اسلامیتک ته ایسی خصوصنده برلشمکمز اتحادمه مزه کفایت ایتمه یورمی ؟»

شیرین

دار الخلافه :

سلطان عثمانه ازل دربر نوطی — بره زیلیا حکومتی نامنه انکاتره دستکاهلرنده انشا ایدلکده اولان «ریو دوزانه یرو» سوپهر درید نوطی عون حقه حکومت عثمانیه طرفندن اشترا اولونمش و «سلطان عثمان اول» تسمیه قانمشدر . دولة الخلافه نک بقای موجودیتی ایچون